

26. Oktober 2016

**Naalackersuisut attartornermut peqqussutip allannguuteqartinnissaat, ineqarnermut akiliineq bankip qaamatini ulloq kingulleq ammaffianut nuunnissaanut aalajangiiffigisassatut siunnersuut.**

(Inatsisartunut ilaasortaq Justus Hansen, Demokraatit)

Inatsisartunut ilaasortap Justus Hansenip, Demokraatit aalajangiiffigisassatut siunnersuutaanut Siumumiit imaattumik oqaaseqassaagut.

Siunnersuuteqartup tunngavilersuutai assortorneqarsinnaanngimmata Siumumiit oqaatigerusupparput. Tassami ullumikkut ineqarnermut tunngatillugu ajoraluartumik piffissaatillugu akiliinngittarnerup kinguaattoornerulluunniit pissutigisaanik inigisamiit anisitaanissamik siorasaarutit pappialarsuutaasaqisut aningaasartuutaasartullu amerlialaluttuinnarmata. Minnerunngitsumillu ajoraluaqisumik amerlasuutigut pingaarnersiuisariaqartarnermik tunngaveqartumik inigisamiit anisitaanermik kinguneqartartumik.

Siumumiit soqutigivarput akiitsut amerliartuinnartut ikilisarneqarnissaanut suleqataanissamut.

Taamaattoq Naalackersuisut akissuteqaataanni takusinnaagatsigu akiitsut akiitsunillu nassuiaamik suliaqartoqarnera utaqqerusupparput.

Taamaammat naatsunnguamik siunnersuut ilalernatigu oqaaseqarfigaarput.

Jess Svane  
Siumut